



UPRAVA	Strana: 1 od 2
Broj protokola: 05-1-25-1-509-18/24	JAVNO

Datum: 07.01.2025. godine

Na osnovu člana 70., a u vezi sa članom 69. stav (2) tačka d) Zakona o javnim nabavkama ("Sl. glasnik BiH", br. 39/2014, 59/2022 i 50/2024) i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Agregat za snabdijevanje zrakoplova električnom energijom (GPU – Ground Power Unit), broj: 05-3-25-1-509-17/24 od 06.01.2025. god., Uprava J.P. Međunarodni aerodrom "SARAJEVO" d.o.o. Sarajevo, na 7. sjednici, održanoj dana 07.01.2025. god., donosi

ODLUKU

I

Poništava se postupak nabavke robe: Agregat za snabdijevanje zrakoplova električnom energijom (GPU – Ground Power Unit), proveden metodom nabavke Otvoreni postupak, jer nijedna od primljenih ponuda nije prihvatljiva.

II

Naručilac će, nakon proteka rokova za reviziju, ponoviti postupak nabavke iz tačke I ove Odluke, istim metodom.

III

Komisija za provođenje ponovljenog postupka nabavke biće imenovana naknadno, posebnim rješenjem.

O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Agregat za snabdijevanje zrakoplova električnom energijom (GPU – Ground Power Unit), direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-509-3/24 od 03.12.2024. godine, a Rješenjem, broj: 05-1-25-1-509-4/24 od 04.12.2024. godine, imenovao Komisiju za provođenje postupka. Dana 19.11.2024. godine J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na Portalu javnih nabavki objavilo o nabavci, broj obavještenja: 246-1-1-892-3-271/24, sa rokom za predaju ponuda do 24.12.2024. god. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitan su nazivi ponuđača i ponuđene cijene kako slijedi:

- Ponuđač DYNELL GmbH, Mistelbach, Austrija sa ponuđenom cijenom od 229.990,00 EUR;
- Grupa ponuđača: MIGROS d.o.o. Sarajevo (predstavnik grupe) i GUINAULT S.A., Saint-Cyr-enValm Francuska (član grupe) sa ponuđenom cijenom od 430.110,00 KM i
- Grupa ponuđača: ALBAT d.o.o. Sarajevo (predstavnik grupe) i NOVI SJEVER MONT d.o.o. Podgorica, Crna Gora sa ponuđenom cijenom od 448.998,00 KM.

Nakon javnog otvaranja ponuda, Komisija se sastala radi detaljne analize dostavljenih ponuda, kojom prilikom je utvrđeno sljedeće:

a) Ponuda DYNELL GmbH, Mistelbach, Austrija

Prilikom detaljnog pregleda ponude komisija je uočila više formalno-pravnih nedostataka, i to:

- izjava o ispunjenosti uslova iz člana 45. ZJN nije ovjerena kod nadležnog organa, što je protivno tački 5.1 pod h) tenderske dokumentacije;
- izjava o ispunjenosti uslova iz člana 52. ZJN nije ovjerena kod nadležnog organa, što je protivno tački 5.1 pod i) tenderske dokumentacije;
- stranice ponude nisu numerisane što nije u skladu sa tačkom 5.2 tenderske dokumentacije, te članom 58. stav (2) ZJN.

Dalje, uvidom u tehnički dio ponude utvrđeni su sljedeći nedostaci:

- nisu dostavljeni podaci o ispunjavanju standarda i aerodromskih zahtjeva koje vozilo mora zadovoljiti, a traženi su na stranici br. 29 tenderske dokumentacije;
- nije dokazano da vozilo posjeduje aluminijski rezervoar goriva, što je zahtijevano na stranici br. 27. tenderske dokumentacije;
- nije dokazano da vozilo posjeduje hvatač varnica, što je zahtijevano na stranici br. 28. tenderske dokumentacije.

b) Ponuda Grupe ponuđača: MIGROS d.o.o. Sarajevo (predstavnik grupe) i GUINAULT S.A., Saint-Cyr-en-Val, Francuska (član grupe)

Prilikom detaljnog pregleda ponude komisija je uočila više formalno-pravnih nedostataka, i to:

- potvrda o dobro izvršenom poslu nije u skladu sa zahtjevima iz tačke 4.4.2 pod a) tenderske dokumentacije, kao ni sa članom 48. Zakona o javnim nabavkama. Naime, u dostavljenoj potvrdi nije naveden tačan iznos, što je bio jedan od zahtjeva Ugovornog organa. Kao rezultat toga, iz priložene potvrde nije moguće utvrditi tačan iznos na koji se odnosi, jer je navedeno samo „više od 300,000 EUR“;
- Dalje, uvidom u tehnički dio ponude utvrđeni su sljedeći nedostaci:
- nisu dostavljeni podaci o ispunjavanju standarda i aerodromskih zahtjeva koje vozilo mora zadovoljiti, a traženi su na stranici br. 29 tenderske dokumentacije;

Vrsta dok.	Izdavač
ODL	05-1
Strana: 2 od 2	
JAVNO	

- nije dokazano da vozilo posjeduje aluminijski rezervoar goriva, što je zahtijevano na stranici br. 27. tenderske dokumentacije;
- nije dokazano da vozilo posjeduje hvatač varnica, što je zahtijevano na stranici br. 28. tenderske dokumentacije;
- nije dokazano da vozilo ispunjava dozvoljeni nivo buke (≤ 80 dBA / 3m), obzirom da je ponuđač u tehničkoj dokumentaciji dostavio podatak da je nivo buke ponuđenog vozila ≤ 85 dBA;
- nije dokazano da vozilo ispunjava dozvoljeni raspon jačine struje (600-2500), obzirom da je ponuđač u tehničkoj dokumentaciji dostavio podatak da je jačina struje ponuđenog vozila – current 800-2.400.

c) Ponuda Grupe ponuđača: ALBAT d.o.o. Sarajevo (predstavnik grupe) i NOVI SJEVER MONT d.o.o. Podgorica, Crna Gora (član grupe):

Prilikom detaljnog pregleda ponude komisija je uočila više formalno-pravnih nedostataka, i to:

- izjava o ispunjenosti uslova iz člana 45. ZJN koju je dostavio član grupe NOVI SJEVER MONT d.o.o. Podgorica nije ovjerena kod nadležnog organa na način kako je zahtijevano tačkom 5.1 pod h) tenderske dokumentacije. Naime, navedeni ponuđač je dostavio popunjen original izjave i kopiju na kojoj je ovjera notara kojom se potvrđuje da se podudara sa izvornikom. S obzirom na to da traženi uslov podrazumijeva ovjeru potpisa na originalnoj izjavi kod nadležnog organa, postupak dostavljanja dokumentacije od strane ovog ponuđača nije u skladu sa zahtjevima tenderske dokumentacije;
- izjava o ispunjenosti uslova iz člana 52. ZJN koju je dostavio član grupe NOVI SJEVER MONT d.o.o. Podgorica nije ovjerena kod nadležnog organa na način kako je zahtijevano tačkom 5.1 pod i) tenderske dokumentacije. Naime, navedeni ponuđač je dostavio popunjen original izjave i kopiju na kojoj je ovjera notara kojom se potvrđuje da se podudara sa izvornikom. S obzirom na to da traženi uslov podrazumijeva ovjeru potpisa na originalnoj izjavi kod nadležnog organa, postupak dostavljanja dokumentacije od strane ovog ponuđača nije u skladu sa zahtjevima tenderske dokumentacije;
Dalje, uvidom u tehnički dio ponude utvrđeni su sljedeći nedostaci:
- nisu dostavljeni podaci o ispunjavanju standarda i aerodromskih zahtjeva koje vozilo mora zadovoljiti, a traženi su na stranici br. 29 tenderske dokumentacije;
- nije dokazano da vozilo posjeduje aluminijski rezervoar goriva, što je zahtijevano na stranici br. 27. tenderske dokumentacije;
- nije dokazano da je maksimalna brzina vuče vozila 30 (km/h), što je zahtijevano na stranici br. 27. tenderske dokumentacije;
- nije dokazano da vozilo ispunjava dozvoljeni raspon jačine struje (600-2500), obzirom da je ponuđač u tehničkoj dokumentaciji dostavio podatak da je jačina struje ponuđenog vozila – current 800-2.400.
- nije dokazano da vozilo posjeduje Touch panel, a traženo je na strnici br. 28 tenderske dokumentacije

S obzirom da su ponuđači dužni, u skladu sa članom 57. stav (1) Zakona o javnim nabavkama pridržavati se svih zahtjeva i uslova iz tenderske dokumentacije, Komisija je ponude, u skladu sa članom 68. st. (1) i (4) tačka i) Zakona o javnim nabavkama, ocijenila nepravilnim, odnosno neprihvatljivim, pa je Upravi Društva predložila da se predmetni postupak nabavke poništi, te ponovi istim metodom.

Uprava Društva je na svojoj 7. sjednici, održanoj dana 07.01.2025. god., razmotrila Izvještaj i preporuku Komisije, te je, nakon uvida u provedeni postupak, utvrdivši da su ispunjeni uslovi za poništenje postupka iz člana 69. stav (2) tačka d) Zakona o javnim nabavkama, istu i prihvatila, pa je, na osnovu člana 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučenom poštanskom pošiljkom, u 3 (tri) primjerka, i to u roku od 10 dana od dana prijema Odluke.

v.d. DIREKTOR-a

Prilog: Zapisnik o pregledu i ocjeni ponuda;

DOSTAVLJENO:

1. Upravi Društva (orig.)
2. Ponuđačima
3. Sektoru za administrativnu podršku
 - Služba nabavke (orig)
 - Služba za pravne poslove i protokol
4. Sektoru saobraćaja
5. Sektoru razvoja, tehnike i standardizacije
6. a/a

